



TERTIB ACARA KEBAKTIAN MINGGU
GKPS P.BULAN-RESORT POLONIA MEDAN
Minggu DOB EFIFANIAS, 10 Januari 2021

TOPIK: "PASANGAP MA NAIBATA IBAGAS HAPASINGON"

Live streaming: www.gkpspadangbulan.com/tv

Tata Ibadah: <http://www.gkpspadangbulan.com/tatib>

1. Votum – Introitus – Tonggo

P. Riap ma hita jongjong!

Pasirsir hita ma dirinta laho mamuji pakon pasangapkon Tuhan in!
Ibagas Goranni Naibata Bapa, pakon Tuhan Jesus Kristus ampa Tonduy Na Pansing, Sitompa langit pakon tanoh on. Amen.
Tonggor ma, domma itingtingkon Jahowa das hu ujung ni tanoh on, Hatahon ma bani boru Sion; Tonggorma, roh do haluahonmu! Mangihut do bani upah-Ni, anjaha i lobei-Ni do na sinari-Ni, Haleluya, haleluya, haleluya.

K. (mandodingkon) Haleluya...haleluya...haleluya

P. Martonggo ma hita :Ham Tuhan Naibata,Bapanami, pargogoh na so tarimbang. Domma ipatar Ham hadirion-Mu marhiteihon Jesus Kristus Tuhannami mambahen gabe tangkas panandaionnami Bamu. Ham do Jesus Sipaluah bannami jolma pardousa bangggal on. Halani ai pargogohi Ham ma hanami manambah Ham ibagas tonduy pakon hasintogan, ase parsombahonnami on gabe hasangapon-Mu anjaha pasu-pasu bannami. Marhitei Jesus Kristus Sipaluah in jalo Ham ma tonggonami on. Amen. (Hundul Kuria).

2. Mandoding 56. Marmalas ni Uhur Hita (1-3)

1. Marmalas ni uhur hita, haganupan Kristen in.
Sai na puji ma Tuhanta, na manasap dousa in.
Iarahkon Jesus in, hita hu Kuria in.
Ai i jalo Naibatanta, songon anak pakon hita.

2. Tuhan Jesus do Rajanta na manggomgom haganup;
Pinarorot ni Tuhanta na marhosah haganup.
Anggo lao hata-Ni in, seng tarbaen lang saud in;
Sai na saud do hata-Ni bai ganup manisia-Ni.

3. Nasiam, alo pardousa, anggo sihol do sonang.
Sai tangihon ganup Hata ni Tuhanta in torang.
Sai paubah uhrmu, jalo Jesus in bamu,
Ase saud ma tonduyta, ipaluah humbai dousa.

3. Hasasapan ni Dousa

P. Riap ma hita jongjong!

Martonggo ma hita, sopotkon hita ma dousanta hubani Tuhan Naibata! Ham Tuhan Naibata simada sagala na adong, sibotoh haganup anjaha Naibata parpintor. Iajari Ham do hanami ase mangkamalaskon pasu-pasu na dob ipaondos Ham hubannami. Tapi gati do lang ihasonangkon hanami siberebere-Mu. Janah iajamkon hanami do gogoh, pikiran, sonai age uhnami sandiri, laho mansuhuni sura-surunami. Jajat na hurang podas do pangahapnami martambah sinadongan, gabe ipindahi parhitean na so tiba dalanni. Lang homa ipakei hanami panorang na binere-Mu in ibagas gok tanggung jawab. Gati do lolei hanami laho mangindahi Ham halani mamparayak arta na laho salpu in. Ham Tuhan marpangulaki ma uhur-Mu mangidah ganup dousa pakon hajahatonnami in. Hartuki Ham ma uhnami ase ulang inunut hanami be mangkorjahon dousa pakon ganup na jahat in. Topa Ham ma uhur na bayu marhitei Tonduy-Mu ase tongtong hanami manggoluh ibagas hapintoran-Mu. Ibagas Kristus Jesus Sipaluah in, sasap Ham ma dousanami anjaha jalo Ham ma tonggonami on. Amen.

P. Tangar anjaha haporsayai hita ma Hata ni Naibata, bagah-bagah pasal hasasapon ni dousa. On do ibahen Naibata: mangkopkop hita gabe dousa do la, na so mananda dousa, ase gabe hapintoran ni Naibata hita ibagas la. Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata ibabou.

K. Amen. (hundul kuria)

4. Mandoding 149. Ham Sipagoluh Au (1+3)

1. Ham Sipagoluh au parayak Ham au on.
Sai ulang Ham mandaoh humbagas uhrhon.
Roh Sipagoluh roh tongon, baen Ham au Anak-Mu tongon
Bani daroh-Mu usah au, putih songon bunga ma au

Putih tongon, putih tongon,
bani daroh-Mu usah au, putih songon bunga ma au.

3. Togu Ham uhurhon, Bamu ma tarik in
Ai langkah-Mu do tong, na sol usihankin
Roh Sipagoluh roh tongon, baen Ham au anak-Mu tongon
Bani daroh-Mu usah au, putih songon bunga ma au
Putih tongon, putih tongon
Bani daroh-Mu usah au, putih songon bunga ma au

5. **Hata Haporsayaon**

P. Riap ma hita jongjong!

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

P+J. Ahu porsaya bani Naibata Bapa, Pargogoh na so tarimbang, na manompa langit pakon tanoh on. Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei tonduy na pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surge anjaha hundul i siamun ni Naibata Bapa, Pargogoh na so tarimbang in. Hunjai ma la mulak magira laho manguhumi halak na manggoluh pakon na dob matei. Ahu porsaya bani tonduy na pansing, bani kuria parsadaan na mapansing in, parsauran ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen!
(*hundul kuria*)

6. **Persembahan Pujian**

7. **Tingting + Tonggo Pangapition**

8. **Mandoding 497. Holong ni Jesus Manggomgom(1-2)**

1. Holong ni Jesus manggomgom ganup kuria
Na patotapkon hasadaonta in.
Damei-Ni in ma manrahut paruhuranta,
Idop ni uhur batar-batarta in
Damei-Ni in ma manrahut paruhuranta,
Idop ni uhur batar-batarta in.

2. Riap ma hita sahur martangkap tangan,
Ibagas damei na humbai Tuhan in.
Marpangarapan tongtong bai horja ni Tuhan
Hataridahan ni hasintongan-Nin
Marpangarapan tongtong bai horja ni Tuhan
Hataridahan ni hasintongan-Nin

9. **Ambilan: Psalmen 29:1-11**

10. **Manggalang:**

P. Paima iondoskon hita galanganta, tangar hita ma lobei Hata ni Naibata na gabe onjolan banta laho manggalang, aima na tarsurat bani: Heber 13:16
“Mambahen na madear ampa na marsibere-bere ulang ma halupahon nasiam ai. Ai galangan na sonai do iharosuhkon Naibata.” Sonari patumpu hita ma galanganta!

472. **Seng Adong na Dos**

1. Seng adong na dos, songon Ham o Tuhan,
na sai sirsir mangkasomani hanai on.
Pitah Ham tongon, Naibata na sintong,
ganup pambahenan-Mu gok halonganan do.
Sagala bangsa do, na jinadihon-Mu
Marsombah roh hu lobei-Mu
Pasangapkon Ham, ronsi sadokahnin,
timbul janah pansing do goran-Mu ijin.

2. Sai ajarhon Ham, dalan-Mu bangku on,
ase mardalan au bai hasintongan-Mu.
Sai baluti Ham, uhurhon sai tongtong,
ase marhabiaran bani goran-Mu.
Ai pitah Ham Tuhan, na boi haposankin,
bai goluh sidalanankin.
Bokas-Mu nuan, siirikononkin,
na gabe suluh bani pardalanankin

11. Tonggo Galangan – Panutup – Pasu-pasu:

P. Riap ma hita jongjong!

Martonggo ma hita mangondoskon galanganta hubani Naibata!

Ham Tuhan Naibata Bapanami, harohanni haganup. Hun Bamu do harohan ni pasu-pasu hu bannami. Ibere Ham do bannami goluh ampa hagoluhan ari-ari. Ham Tuhan, ijon iondoshon hanami ado hu Bamu goluh pakon pasu-pasu na dob binere-Mu in bannami. Sai lambin margogoh ma tongon hanami ihasomani idop ni uhur-Mu ampa pasu-pasu-Mu bani na mandalankon horjanami. Papansing Ham ma galangan na ginalangkonnami on gabe galangan na misbou i lobei-lobei-Mu, ase lambin ihargahon hanami tongon dear ni layak-Mu humbani gogoh, pingkiran, ampa sinadongannami. Tarima kasih ma bamu Tuhan. Marhitei Krsitus Tuhannami, jalo Ham ma galangan pakon tonggonami on. Amen.

P+K. Marhitei diatei tupa roh do au Tuhan

Mamboban buah ni horja na binereMu

Jesus, Jesus, jalo Ham ma au

Bai hurangni panurdukhu anju Ham ma au.

- P. Ham Bapanami na i nagori atas, sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dampak hanami, Ulang hanami bobai Ham hu parlajouan. Paluah Ham ma hanami humbani pangangou!
- K. (*mandodingkon*) Ai ham do simada harajaon, pakon hagogohon, ampa hasangapon, sadokah ni dokahni. Amen.
- P. Laho ma nasiam, janah misir ma nasiam, baritahon janah saksihon nasiam ma Ambilan na Madear in ija pe nasiam marianan.
- P. Jalo nasiam (hita) ma pasu-pasu humbani Tuhan Naibatanta:
Ipasu-pasu anjaha iparorot Tuhan Naibata ma ham (hita). Isondangkon Tuhanta Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakhon Tuhan Naibata ma bohi-Ni hu bamu (hu banta) janah ipasorap ma damei-Ni bani tonduymu (tonduytabei).

P+K.Amen..... Amen ...Amen!